



# **Disputationum philosophicarum quinta, continens positiones politicas & oeconomicas**

<https://hdl.handle.net/1874/340877>

DISPUTATIONUM PHILOSOPHICARUM  
QUINTA,  
CONTINENS

Positiones Politicas &  
Oeconomicas.

QUAS

Favente Deo Opt. Max.

SUB PRÆSIDIO

*Clarissimi doctissimique viri*

D. M. ARNOLDI SENGUERDII,

in almâ Ultrajectenſi Academiâ Philoſophiæ Profef-

ſoris Ordinarii, Præceptoris ſui æternum honorandi

*Publicè defendere conabitur*

FLORENTIUS SCHUYLIUS Sylvæducentis.

*Ad diem 25. Maji horis locoque ſolitis.*



ULTRAJECTI,

Ex Officinâ ÆGIDII ROMAN, Academ. Ty-  
pographi, ANNO M. DC. XXXIX.



*Nobilissimo Fratrum Pari,*

D. IACOBO à THIENEN, Col-  
legii Saltuarii in Hollandiâ Adseffori dig-  
nissimo.

D. PHILIPPO à THIENEN, Le-  
gionis Brederodianæ Legato fortissimo, in-  
victissimæ Urbis Sylvæduensis, ejus terri-  
torii, omniumque fortalitorum in eo fito-  
rum Progubernatori vigilantissimo, cohortis  
Capitaneo Cordato, Christianæ religio-  
nis & libertatis propugnatori strenuissimo.

*Hasce Theses in grati animi & observantia  
symbolum,*

Offero,

FLORENTIVS SCHVYLIVS.

*Respe*

EX LIBRARIIS ECCLIAE ROMANAE. ANNO M. DC. XXXIX.

DISPUTATIONUM PHILOSOPHICARUM

QUINTA,

CONTINENS

Positiones Politicas &  
Oeconomicas.

THESIS I.



Politica ordine resolutivo tradi debet.

II.

*Objectum* Politicæ est respublica.

III.

*Finis* Politicæ est beata civium vita.

IV.

Homo rectè dicitur à philosopho animal politicum.

V.

In statu innocentia: viguissent etiam respublica.

VI.

Imperium civile & herile differunt specie.

VII.

Specifica rerumpub. distinctio a regimine sumitur.

VIII.

Prudentia qua quis rectè potest imperare & præesse subditis est  
virtus requisita in eo qui rempublicam gubernat.

**IX.**

In eligendo summo Magistratu inter alia spectari debet amor er-  
ga eam reipublicæ formam quæ ei est administranda.

**X.**

Summa potestas non solis legibus nec solis hominibus, sed prima-  
riò legibus si bonæ sint, secundariò hominibus virtute & prudentia,  
excellētibus, committenda est.

**XI.**

Satius est Magistratum per suffragia quam per sortem eligere.

**XII.**

Homini inferioris conditionis non facile concedendi sunt summi  
honores in administranda republ. nisi per gradus.

**XIII.**

Tutius est ut à pluribus quam ab uno tantum determinetur quod  
à lege non est manifestè determinatum.

**XIV.**

Æquum est ut regi aliquod præsidium concedatur.

**XV.**

Senatu carere nulla respublica potest.

**XVI.**

Iudicia sunt necessaria in republica.

**XVII.**

Oligarchia magis est obnoxia mutationibus quam Aristocratia.

**XVIII.**

Contumeliosa civium tractatio, avaritia & ambitio præbent oc-  
casionem seditionibus.

XIX.

In conventibus rationes potius ponderandæ sunt, quam vota numeranda.

XX.

In optimo & rectissimo statu reipublicæ requiritur, ut cives neque admodum divites, neque admodum pauperes sint.

XXI.

Communio Platonica bonorum & possessionum multa incommoda adfert reipublicæ.

XXII.

Artifices in numero civium sunt habendi.

XXIII.

Ex solis pauperibus & servis non potest constare respublica.

XXIV.

Iniquissimum est aliquem ex civitate ejicere propter excellentiã virtutis.

XXV.

Ea civitas est optimè constituta in qua cives sunt virtutis studiosi.

XXVI.

Otiosi non sunt tolerandi in civitate, ut neque Zigari.

XXVII.

Perfecta civitas non potest constare ex uno tantum hominum genere, sed requirit homines diversæ conditionis.

XXVIII.

Solum jus habitationis non facit propriè civem, ut neque locus in quo aliquis nascitur.

XXIX.

Ecclesiastici quoad politica subjiuntur majestati.

XXX.

Uni homini aliquando plura publica negocia rectè committuntur.

XXXI.

Adolescentes exercendi sunt in ejusmodi cantionibus & melodiis quæ conferunt ad confirmandos bonos mores & excitandos eorum animos ad amorem virtutis & honestarum actionum.

XXXII:

Laudabile est adolescentes in arte pingendi exerceri.

XXXIII.

Exercitia & studia bellica è civitatibus non sunt exterminanda,

XXXIV.

Finis belli debet esse pax.

XXXV.

Prospectandum ne victores sua victoria ad libidinem abutantur.

XXXVI.

Adversus hostes licet stratagematis uti.

XXXVII.

Civitates mœnibus & fossis sunt muniendæ.

XXXVIII.

Ad ἀσφάλειαν securitatem civitatis facit, quod in ingressu & extremitatibus urbis domus perturbato ordine collocentur.

XXXIX.

Ad ἀσφάλειαν quod in media urbe ordinibus directis construantur.

In civi-

XI.

In civitate publica ædificia necessaria sunt.

XLI.

Gubernatori Reipubl. debet curæ esse ætas eorum qui matrimonium contrahere volunt, ne sint nimium senes vel juvenes, vel inter se dispare.

XLII.

Conjuges sibi invicem debent fidem & reverentiam.

XLIII.

Uxor debet etiam difficiles mariti mores tolerare.

XLIV.

Matrimonium non solum est propter propagationem verum etiam ut bene vivatur.

XLV.

Cæteris paribus virgo potius ducenda est quam vidua.

XLVI.

Uxor ducenda est optima & castissima.

XLVII.

Maritus persuasum sibi debet habere uxoris erga se amorem & fidem esse singularem, quod idem de marito existimare debet uxor.

XLVIII.

Inter omnes curas domesticas maxima debet esse circa liberorum educationem & gubernationem.

XLIX.

Infantes alendi sunt lacte materno, aut si aliud haberi non potest, alterius alicujus nutricis, quæ ætate & valetudine matri maxime accedit, si boni temperamentis sit.

L.

Matres dum lactant infantes non debent copioso vino uti.

Corpora



L I.

Corpora infantium moderato motu sunt exercenda.

L I I.

In tenera prolis ætate cavenda est distortio membrorum.

L I I I.

Pueris exercitia quædam sunt præscribenda quæ non debent esse valde laboriosa.

L I V.

Cavendum ne pueri cum abjectis hominibus versentur.

L V.

Non permittendum est pueris, ut sint spectatores comediarum, in quibus personæ inhonestæ de amoribus aut aliis lasciviis colloquentes introducantur aut turpes gestus represententur.

L V I.

Servitus non est contra naturam.

L V I I X.

Ad scientiam herilem requiritur ut dominus rectè servis suis imperet & ea quæ mandavit tempestive ab iis exigit.

L V I I I.

Modus acquirendi ex agricultura est optimus.

L I X.

Mercatura est honestus modus acquirendi possessiones.

F I N I S.